

wenn a zur Sitzung giht, und verschlooft a Termin nich, 27. Juni bis 2. Juli, damit doß da olle do seid, wenn a uffgeruffen werd. Bei der Versammlung wulln se diesmol vur ollen Dingen ene ganz neue Soaleitung¹⁾ macha. De Alpnisten sulln olle on dreieckichn Tischen ei Ketten geläht wärn und hinger em Droachtverhau sitzn. De Präzisioner vu Gloashütte werd'n ei Autos abgehult, om Eingange zum Soale kriega se schworze Trauerflore, wu ene weiße Taube mit em Oelzweige druffe is, im a Orm. De Centra-Onhänger kumma, dos hoah' ich mer baale geducht, on runden Tischen ungera Kronleuchter ei de Mitte zu sitzn, und olle andern Centralverbändler, die gor kene Marotte hoan, werd'n ei weißn Tennisonzügen uff Unschuldsbänkl gesatz. Dann wulln se a Vürstand nich mehr extra on a Tisch setzn, sundern hübsch eim Soale verteeln, domit da Kuntakt zur Versommlung besser gewoahrt bleibt. Als besondere Ueberroaschung sull da Moritz Großmann enen Vurtrag haln über dos Thema „Wie is en Babywecker am efachsten in ene

ho ber o, und geflogen wird bei ins o. De Huchbohn is obgeschteckt und de Untergrundbohn baun se groade. Wer wern a biss'l drücken, doas se die ene Linie bis zur Johrhundertholle, ei der de Versommlung sein sull, bis dohin fertich macha. Woas de kullinarischen Genüsse onbelangt, do kann ich Euch blußich soahn, doß bei ins lausich gutt gegassa und getrunka wird. Inse Schpezialität sei die vielen gemütlichen bürgerlichen Kneipen, wu ma wos Guttes und vor ollen Dingn Preiswertes zu assen und zu trinken kriegt. Es is nich zuviel gesoht, doß ma mit 3 Mk. uff a Tag schnipel assen koan. De schleschen Madl sein runde, gesunde, knuspriche Dinger und o nich zimperlich, mehr darf ich nich verroathn, sunst — meine Aale guckt mer groad über de Achsel. Vur ollen Dingen sein wir Schlesier och lausich gemütlich, doß könnt a schon doronn sahn, doß se bei ins gor kene Stihkroagn, blußich Umlegekroagn troagn. Natürlich mach ber o olle die schienen Sach'n, die se ei Dresdn und Hamburg gemacht hoahn. Freilich en „Albert



Die Jahrhunderthalle in Breslau, der Ort der Tagung des Zentralverbandes

Turmuhur zu verwandeln.“ Ich bi geschponnt wie a Regenscherm.

Nu möcht ich wull o a biss'l woas vu Gruß-Brass'l erzähl, domit ich nich olles vo da Sitzung verroachte. Saht ersch²⁾, a kleener Ungerschied is schon zwischa Breslau oder Hamburg oder Köln. Es is nähmlich ene Metropole. De enziche vu ganz Schlesichen, aber dafür koan se sich och sahn lossn. Bei ins konzentriert sich eben olles ei Gruß-Brass'l, für ins is es Grußschtoadt, Landeshauptschtoadt, mit em Wurte eben Metropole. Ich weiß ju groade nich, woas dos letzte heeßen sull, aber ei der Uhrmachersproache denk ich mer, is se a kunzentrischer Sekundenzeiger und de andern Großschätte sein exzentrische Sekundenzeiger, na und de erschtern sein doch immer seltner und besser. Desholb sein ber o a su lausich schtulz uff inser Gruß-Brassl, nu und es is ju och ene berühmte histerische — oder heßts amende histerische — Stoadt, ich möchte blußich 1813 erwähnen. Wam hotta engentlich olles zu verdankn, woas schpäter koam? A Schlesichern. Hätta wir nich domols ongefanga, säß da Napoleon vielleicht heute noch ei Deutschland. Schiene Bauten und Denkmäler hohn ber wie Sand om Meere, und inser Roathhaus is direkt ene Perle. Ane Universität, an Zoologischen Gorten ohne Offen, en Lunapark und ene Menge mundäne Vergnügungslokale

Ballin“ könn'n wer Euch nicht zeign. Dafür sull da größte Autoomnibuß besichtigt werdn. Dodrinn sein ber wieder wetter wie de Hamburger, weil ber mehr uff a Landverkehr ongewiesen sein. En 50 meter langn Autobuß, dar wie a Schnackmesser im de Ecken flitzt und eigebautes W. C. hoat, werter ju noch niche gesahn hoahn.

Om 27. gihts dann luß. Do werd zuirscht de Auschtellung deröffnet. Noch vielme Auschteller hoahn sich gemeld wies letzte Moal. Wir vum Vergnügungsausschuß hoahn a Grussistn und Auschtellern diesmoal verklufft schorffe Bedingungen gesatz. Z. B. hoah ba ausgemacht, doß se jedem Käufer bei em Ufffrage von 5 Mk. oan is Reesegeld zur Reichstagung zurückerschtoten müssen. Ferner müssen se 12 Monate Kredit gahn und hernoach a Kredit nochamol 6 Monate prulungieren. Dann hoah ber, ei der Erkenntnis, doß de doch wieder welche dabeine sein werdn, diede is Obschtußen oder Eitauschen vo a alen Billionenscheinen vergaßn, ausgemacht, doß de Grussisten die aalen Scheine bei Einkäufn onnehm. Is doos nische? Machts amol anoch! Obends is wieder dar berühmte Begrüßungsobend mit Kunzert, ber hoan a Raould Amundsen, dar mit im Flugzeuge a Nordpool suchen giht, gewunn fer ene kleene Obschiedsrede. Om 28. Vurmittichs werd da Verbandstag uffziell deröffnet, doß hoat da Chech Anton aus Gruß-Brassl übernumm, de schpickichste Nudl vo a Gruß Brass'ler Seegermachern, er wills mit em Bücksenöffner dermerscheln.

1) Saaleinteilung.
2) Seht ihr es.